



2020-mi akileraarutitigut ilanngaatisat il.il. imatut angissusilerneqarnissaannik Inatsisartut aalajangiiffigisassaattut siunnersuut:

- 1. Inummut ilanngaat.....kr. 48.000 (ukiumut)**
- 2. Ilangaat aalajangersimasoq.....kr. 10.000 (ukiumut)**
- 3. Aningaasarsiat B-t akileraaruteqaataasussaangitsut.....kr. 5.000 (ukiumut)**
- 4. Killilimmik akileraartussaataasunut ilanngaat.....kr. 1.000 (ukiumut)**
- 5. Kommunitut ataatsimut akileraarut.....6%**

(Aningaasaqarnermut Nunanilu Avannarlerni Suleqatigiinnermut Naalakkersuisoq)

Siullermeenera

2020-mi akileraarutitigut ilanngaatisat il.il. angissusilerneqarnissaannik Inatsisartut aalajangiiffigisassaattut siunnersuut Aningaasaqarnermut Nunanilu Avannarlerni Suleqatigiinnermut Naalakkersuisup Naalakkersuisooqatigiit sinnerlugit saqqummiusnaanut Partii Naleqqamiit imatut oqaaseqaateqassaagut.

Naalakkersuisut siunnersuutigaat 2020-imi akileraarutitigut ilanngaatisat il.il. 2020-mut sanilliullugit allannguuteqartinnagit taamaaginnassasut siunnersuummi saqqummiuppaat.

Akileraarutitigut ilanngaatisat il.il. angissusilerneqartarnerat inunnut ataasiakkaanut aammalu minnerunngitsumik ilaqtariinnut pingaaruteqartorujussuupput sunniuteqartorujussuullutillu

Akileraarutitigut ilanngaatit inuuniarnermut annertuumik pingaaruteqarpoq, ullutsinni suut tamarmik akitsoraluttuinnarlutik inissisimaneranni aatsaat taama pingaaruteqartigilerpoq aaqqissuusseqqinnissaq.

Partii Naleqqaminngaanniit nunap inuisa artukkerneqaraluttuinnarnerat isiginngitsuusaaginnarsinnaangilarput. Partii Naleqqaminngaanniit isumaqaratta ilaatigut nunap inuisa atugaat naleqqussaqqittariaqalersut.

Isumaqarpugut amerlavallaarujussuuartut nunap inui inuuniapiloortut aammalu ulluinnarni atugassarititaasut qiviaraanni inuuniutissaat killeqartorujussuannortut. Pissakinnerusut pisoorsuillu akornanni nikinganeq annertuallaarujussuarpoq aaqqiiffigisariaqarlunnartoq nunap inuinut iluaqutaanerusumik aaqqissuusseqqinnikkut.

Taamaammat akileraarnermut tunngassutillit tamaasa eqqarsaatigalugit aaqqissuusseqqittoqartariaqartoq Partii Naleqqamiit isumaqarpugut, maanga Kalaallit



Nuuk 11. april 2019

UPA 2019/12

Jens Napätök, Partii Naleraq

Nunatsinnut aammalu minnerunngitsumik nunap inuinit naleqquttumik iluaqutaanerusumillu siunertaqartumik.

Sulineq kajumernarnerulersinneqartariaqartoq, Partii Naleqqamiit isumaqataaffigilluinnarparput. sulineq pilerinarninngorlugu akilersinnaasunngortinneqartariaqarpoq. Tamatuma oqaasiinnaanngitsumik sukumiinerusumik anguniarnissaa pimoorullugu anguniarneqarnissaa peqataaffigissavarput.

Sulineq akilersinnaanngornerulernissaanut aqcutissiuussinissaq Partii Naleqqamiit tamakkiisumik tapersersugaraarput, tassalu nunatsinnut naleqquttumik nunap inuinit naleqquttumik aaqqissuusseqqittariaqartugut isumaqarpugut.

Nunatsinni inuppassuit inuuniapiloorput ineqarnermut akiliutit qaffakkaluttuinnarlutik akissarsiat malinnaajunnaarsimanerat taamatullu nioqqutissat akitsoriartupiloortut akissarsianut malinnaajunnaarsimanerat allatigullu piniakkanik killilersuinerujussuit ingasattajaartut nunap inui ulluinnarni inuuniarnerat ilungersunartumik inissimatilersimavaat pitsanngoriaatinik aaqqiiniartoqartaraluartoq.

Aaqqiiniartoqartoqartuaannaraluartoq, taamaattorli aaqqeeriaaneq allatigut inuit kaasarfiiniit aalleqqittarneq peqqutigalugu aaqqiiniarnerigaluaq iluatsinngisaannartutut oqaatigisariaqarpoq. Maannakkut piffissanngorpoq tamakkiisumik atituumik aaqqiisoqarnissaa.

Misissuinerpassuit ingerlanneqareernikuupput maannakkut piffissanngorpoq nunap inui inuuniapiloortut isiginiarnerullugit aammalu nammineq aallaavigaluta aaqqissuusseqqinnissatsinnut.

Akilerartarnikkut aaqqissuusseqqinneq annertunerusoq aammalu allaffissornerujussuarmik pilersitsisussaangitsoq nunap inuisa pisariaqartippaat, taamatullu sulinermi ilanngaas sakkussat amerlasuut ilagiinnarpaat, kisimiitillugulu naammangilluinnarpoq nunap inuisa inuuniapiloornerannut aaqqiissutissatut.

Killiffipput ilungersunartoq akileraariaaseq kisiat qissimigaarlugu ajornartorsiutit unamminartut nunap inuisa atugaasa oqilisaaffiginissaannut atussallugu naammangilaq.

Nunatsinni pissakkinnerusut inuuniapiloorput aamma akunnattumik isertitaqartut nunatsinni amerlanerussuteqarluartut inuuniapiloornerat imaannaanngitsumik killiffeqarpoq ineqarnikkut akit qaffappallaarujussuarneri nioqqutissallu akitsorpallaarujussuarneri, taamatullu suut tamaasa akitsuusersoraluttuinnarneri peqqutigalugit nunap inui inuuniapiloorput.

Aaqqissuusseqqinnerit (reform) nunap inuinit iluaqutaasut pisariaqalivipput, piffissanngorpoq nunap inuinit iluaqutaasumik nutaaliornissaq, aaqqissuusseqqinnissaq.



Akilerartarnikkut aqqissuusseqqinneq aqqiissutissat sakkussat ilagiinnarpaat.

Ilanngullugit ineqarnikkut aqqissuusseqqinnerit pisariaqarluinnalerput, nunap inuinit naleqquttumik aqqiffiginissaat. Partii Naleqqamiit nalilersorlugillu politikikkut aqqiissutissanik tamatuma eqqartorneqarnissaanut nunap inuinit iluaqutaasussanik siunnersuutissaqarpugut.

Nunatsinni inissiat 23.000-it missaaniittut affai akisoorujussuinnaratik ullutsinnut inuuniarnikkut naleqqukkunnaavissimasut affai sinnerlugit iluarsartuuttariaqalersimapput aqqissuusseqqinnikkut qanoq iliuuseqarfigisariaqarluinnalersut utaqqeqqissinnaangitsullu, kiassarnermut annertuumik sulisartunut akissaajaataaginnalersimangillat aammalu peqqinnangilluinnartumik amerlavallaarujussuurtut aserfallalluinnarsimapput piaartumik aqqiiffigisariaqarluinnalersut piaarnerpaamik najugaqartut peqataatinneratigut pilliuteqaqataaneratigullu. Nutaamik eqqarsarnej aqqiinissarlu piffissanngorpoq qanoq iliuuseqarnissaq piffissanngorpoq.

Taamatullu akilerartarnerup ineqarnerullu saniatigut inunnik isumaginninnikkut aammalu pisortanik ikiorsiissutinik pisartut, akikitsumik meeqqerivinnut akiliuteqartartut, ineqarnermut sillimmasiissutisisartut, ineqarnermut boligsikring aqqutigalugu taperneqartartut, pilersuisutut meeqqanut allatigullu tapiissutisisartut ilarpassuilu ilanngullugit ilanngullugit nalilersuiffigineqarluarlutik aqqissuussiffigineqarnissaat piffissanngorpoq aqqissuusseqqinnikkut aqqiffiginissaanut.

Pisortanit ikiorsiissutinik pisartut taakkulu ilaqaatanut tamakkiisumik ilaannakortumilluunniit sulinermi pissarsiaq pitsaanerulertarnera maannakkut annikippallaaqaaq. Sulineq akilersinnaangussappat tamakkiisumik tamakku ilanngullugit ataatsimut aqqissuusseqqittarnerput piffissanngorsorinarpoq.

Sulinerup akilersinnaangornissaanut akileraarutit aqqissuussineq naammangilluinnarpaq. Ineqarnikkut aqqissuusseqqittariaqarpugut, maannakkut taperiaatsit nunap inuinit paasiuminaappallaarput aammalu allaffissornerujussuarmik pilersitsisarnerat annertuallaaqaaq. Aningaasat tamakkununga atornejartartut pitsaanerujussuarmik aqqissuussiffigisariaqalerpavut nunap inuinit iluaqutaanerumik aammalu sulinermi akilersinnaanerulersititsisumik aqqutissiuisussat.

Sulinerup akilersinnaangorlugu aqqissuusseqqinnitsinni ilinniarnarup ilinniarsimanerullu akilersinnaanera aamma annertusarlugulu periarfissarsiortariaqarluinnartut ilagilluinnarpaat aqqissuusseqqinnitsinni.



Sulinerup akilersinnaangortinnerani eqqumaffigisariaqarluinnartut ilagilluinnarpaat ilinniarnepur ilinniarsimanerullu akilersinnaalluarnerata pitsaasumik aqqissuussiffiginissaa.

Akilaartarnikkut aqqissuusseqqinniarnemi utoqqaat ukiorpassuit sulisimasut atugaat aqqissuussiffigineqartariaqarluinnarput.

Utoqqaat sulerusuttut sulisinnaasullu pitsaanagerusumik atugassaqarlutik sulisinnaanerit periarfissarsiortariaqarpoq, immikkut isertitaqarlutik suliaqarnerminni inuaqatigiinnut iluaqutaanerit pillaatissiissutisarisariaqanngilaat utoqqalinersiutiminnik ilanngartuunneqarlutik, taamatut inuaqatigiinnut ukiorpassuarni sulisimasut aammalu sulillutik iluaqutaanerata qaavatigut ilanngartuiffigalugit pillaassutiginnittarneq Parti Naleqqamiit akuersaarsinnaangilluinnarparput. Aporfilersornagit periarfissarsiornissaat aqqissuusseqqinnikkut piffissanngorpoq.

Utoqqaat aappariit isertitarisinnaasaat aappaasumut sanilliullugu ilanngartorneqartarnerat qimattariaqarpoq, tamarmik inuttut naligiittut inuttullu nalilittut inuttullu ataasiakkaatut isigineqalertariaqarnerat piffissanngorpoq. Suliap tamatuma kinguarsaqqinnagu aqqiiffiginissaanut piffissanngorpoq, timitaliisariaqalerpugut oqaatsit kusassakkat naammaleqaat neriorsuutigisimasanik piviusunngortitsinissaq piaartumik timitalertariaqalerpoq.

Taamaamat Naalakkersuisooqatigiit isumaqatigiissutaanni utoqqaat tunngaviusumik utoqqalinersiutiminnik ilanngaaffigineqaratik sulinerikkut isertitaqarsinnaanerit aqqiivigineqassasoq 2020-imiit aallartittumik allassimasoq sooq atuutilinngila? Sooq aqqiissutissamik saqqummiisoqanngila? Uani qinersivimmi aammaarluni kinguarsaqqinneqarniarpa? Partii Naleqqamiit isumaqarpugut neriorsortuarneqarnerat naammalersoq aqqiiffigineqarnissaanut oqaatsit neriorsuutaasimasunut aqqiinissatsinnut piffissanngorpoq.

Utoqqaat ukiorpassuannngortuni politikikkut annertuumik eqqartorneqartuarput atugaasa aqqiivigineqarnissaat pillugu, taamaamat maannakkut taamatut aammaarluni neriorsorneqarnerat isumaqarpugut aqqiivigisariaqalersoq oqaatsit timitaqaratik inissisimaqqiinnassanngippata qanoq iliuuseqarnissamut piffissanngorpoq.

Utoqqaat aammalu siusinaartumik sulisinnaajunnaarnerisutillit tamarmik naligiimmik tassalu assigiimmik naleqartillugit tunngaviusumik utoqqalernerisuteqalernissaat aammalu saniatigut suliffeqarneq, katissimaneq aappariinneq najugaqatigiinnerluunniit apeqqutaatinnagit aqqiinissamut Partii Naleqqamiit peqataarusuppugut aammalu oqaasiinnaangitsumik pingaartitarilluinnaratsigu peqataanissatsinnut piareersimavugut piaartumik neriorsuutaasimasunik aqqiinissamut.



Taamatut neriorsorneqarlutik utoqqaat inisseqqeriarlutik 2020-miit atuutilersumik aaqiivigineqarnissaat maannakkut kinguarsarniarneqaqqilermat uggornarpoq uagutsinnut utoqqaat atugaannut aaqiinissamut piumassuseqartunut.

Taamatullu tamatuma takuteqqiinnarpaa aammaarluni utoqqaat illersuisoqalernissaat pisariaqarluinnalersimasoq. Tamannalu aamma angusariaqarluinnalerpoq utoqqaat atugaat imaannaangitsut pillugit illersorneqarsinnaallutik periarfissaqalerniassamata.

Suliffeqarfinnut namminersortunut akileraarut appartinneqassasoq Partii Naleqqamiit isumaqatigilluinnagarput nunatsinni suliffinnik pilersititsiniarneq soqutiginarnerullunilu orniginarnerunissaa eqqarsaatigalugu akileraartarnikkut suliniuteqartoqassasoq Naalakkersuisooqatigiit oqarluartaarutigaluarpaat, tamakku tapersorsorluinnakkagut qaqugu maanga timitalersorniarlugit qaqinneqassappat aalajangiiffigisassanngorlugit?

Sulinerup akilersinnaanngornissaa, tassalu aamma aningaasap pisissutaasinnaasup naleqqussaqinnissaa nioqqutissat akitsoriartornerannut naleqquttunngorlugu pingaaruteqarluinnartuusoq Partii Naleqqamiit isumaqarpugut.

Taamaammat suliffeqarnermi ilanngaat maani inatsisartuni partiit amerlanerussuteqarluta aaqiiffigineqarnissaa tapersersugaraarput. Taamaammat aamma naammagisimaarlutigu neriuuteqarluarfisatta ilagisimagaluarpaat upernaami uani ataatsimiinnissami Naalakkersuisuutitaqartut tapertaalu Demokraatit suliffeqarnermi ilanngaat pillugu aaqiissutissami saqqummiussissasut.

Naalakkersuisooqatigiit isumaqatigiissutaat qimerlooraanni tassanimi allaqqagaluarimat suliffeqarnermi ilanngaat 2020-imiit aallartittumik eqqunneqassasoq isertitakkinnerusunut akunnattumillu isertitaqartartunut annertusiartuaartumik iluaqusiisumik atuutilersussamik isumaqatigiissut imaqaraluarimat.

Taamaammat Partii Naleqqamiit miserratigissanngilarput taamatut isumaqatigiissummi allaqqasut ukiulernerneqarsimasullu piviusunngortinniarnearani oqarluartaarnerinnaallutillu-sooq neriorsuutaannaanerit oqaatsit kusassakkat timitaqanngitsut ilagiinnaleraat, taamaamallu piffissanngorpoq qanoq iliuuseqarnissaq suliassat kinguarsaqqinnagit.

Partii Naleqqamiit isumaqarpugut akileraarutitsigut ilanngaatit il.il. angissusilerneqarnissaanik neriorsuuterpassuit uani siunnersuummi piviusunngortinneqanngitsuulersut kinguarsaaqqittuarneq peqqutaalluni, tamannalu uggornartuuvoq aammalu neriorsuutigisimasanut naapertuunnani.

Taamaammat inussiarnersumik Partii Naleqqamiit kaammattuutigerusupparput aningaasanut akileraartarnermullu ataatsimiititaliami qaqilikkgut ilanngullugit nalilersorluarneqassasut piviusunngortinniarnanullu qanoq iliuuseqarnissamik



partii naleraq

Nuuk 11. april 2019

UPA 2019/12

Jens Napätök, Partii Naleraq

tikkuussilluni isumaliutissiisummut aappasaanerinnissamut ilanngunneqassasut sukumiisumik suliarineqarsimallutik.

Taamatut oqaaseqarluta aappasaaniinginnerani Aningaasaqarnermut Akileraar-tarnermullu ataatsimiititaliami eqqartorneqarluni nalilersorluarlugu suliarineqarnissaa Partii Naleqqamiit innersuussutigaarput ataatsimiititaliamilu ilaasortat sulilluarnissaannik kissaallutigit.

Qujanaq